

Angajoqqaarsiaasut paarsinerminnik oorerisartagaat (vederlag) pillugu kaajallaasitaq allanngorteqqullugu, taamaalilluni naliginnarmik januarip ulluisa aallaqqaataaniit 2020 qaammammut kr. 8.000-inngortillugu, Naalackersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Siumup Inatsisartunut ilaasortaaitai)

Akissuteqaat

(Peqqissutsimut, Isumaginninnermut Inatsisinillu Atuutsitsinnermut Naalackersuisoq)

Siullermeerneqarnera

Naalackersuisut Inatsisartut aalajangiiffigisassaattut siunnersuummut saqqummiunneqartumut qujapput.

Ilaqutariit paarsisartut pitsaasunik isumagineqarnissaat Naalackersuisut isumaqataaffigivaat. Ilaqutariit paarsisartut pingaarutilimmik nersortarialimmillu suliaqarnerannut paaqqinninnerstiutisiaat naapertuutissapput.

Ilaqutariinnik paarsisartussanik pitsaasunik pissarsiorsinnaaneq aamma attassiinneq ilutigalugu pingaaruteqarpoq. Ilaqutariinnut paarsisartunut atugassarititaasut pilerinartuussapput, taamaasilluta ilaqutariinnik sapinngisamik amerlasuunik piginnaaneqarluartunik meeqqanut inuusuttunullu isumaginninnikkut aarlerinartorsiortunik suliniuteqarnitsinnut pissarsiniassagatta.

Isumaliutit taakku tunngavigalugit susassaqarfimmi malittarisassanik nutarterineq Naalackersuisut aallartereerpaat. Ilaqutariit paarsisartut paaqqinninnerstiutisiaat aamma nutarterinnermut ilaapput.

Ilaqutariinnut paarsisartunut qaammammut paaqqinninnerstiutit siunissami 700 pct.-it tikillugit kommuninit qaffaaneqarsinnaanissaat periarfissaqalissaaq, taamaasilluni paaqqinninnerstiutit qaammammut 35.476 kr.-nit naligilersinnaassallugit.

Meeqqap pisariaqartitaasa paaqqutarineqartariaqarneratalu piviusunik nalilerneqarnerata kingorna, malittarisassat nutaat malillugit paaqqinninnerstiutisiaat uani siunnersuummik saqqummiussisup siunnersuutaaninngaanniit qaammammut 8.000 kr.-iusunit amerlanerujussuanningsinnaapput.

Piviusunik nalilersuinerit aallaavigalugit qaffasinnerusunik paaqqinninnerstiutinik tunisinissamut periarfissaqarneq ulloq unnuarlu paaqqinnittarfinnut inissiinerit amerlassusaannik annikinnerulersitsinnaavoq, tassami meeqqap pisariaqartitsinera aamma paaqqutarineqarnissaa piviusoq aallaavigalugu ilaqutariit paarsisartut akissarsiaqartinneqarsinnaassammata.

Uani aningaasat pineqartut tassaapput, ilaqutariit paarsisartut meeqqamut paarisaminnut nerisaqarnermut, atisarsinissamut kaasarfimmiorisartakkanullu aningaasat tigusaartagaasa saniatigut ilaqutariinnut paarsisartunut tunniunneqartartussat.

Kalaallit Nunaanni meeqqanut inuusuttunullu suliassa qarfirmi 2019-imi pilertortumik ikiorsiinissamut Folketingi ulloq 26. september 5,3 millioner kr.-inik immikkoortitsinikummat ilanngullugu oqaatigineqassaaq.

Aningaasat taakku ilaat Kalaallit Nunaanni ilaqutariinnik paarsisartunik suliassa qarfiup misissueqqissaarfigineqarneranut atorneqarnissaat naatsorsuutigineqarpoq. Misissueqqissaarneq taanna naammassineqarpat, suliassa qarfirmi inatsisinik nalinginnaasumik nutarterinissaq aallartinneqassasoq naatsorsuutigineqarpoq.

Ilaqutariit paarsisartut pillugit nalunaarutip nutarterneqarnissaanut Naalakkersuisut alloriareernikuunerat tunngavigalugu, taamaalillunilu kommunit ilaqutariinnut paarsisartunut ullumikkumiit qaffasinnerujussuarnik paaqqinninnersiuteqartitsinissaminnut periarfissaqalernikummata, siunnersuutip itigartitsissutigineqarnissaa inassutigineqarpoq.